

8. August 1899

清光緒二十五年  
已亥七月初三日

THE "PENANG SIN POE" 號十二零千一第 CHINESE DAILY NEWS.

# 檳城新報

印二拜禮牌門號二十三百二及號十三百二號八十二百二第街在設開館本

Printed and Published by Lim Seng Hooi at the Criterion Press, Nos. 228, 230 & 232, Beach Street, Penang.

大英一千八百九十九年八月八號

## 目錄

- 觀說福建
- 騙詐難防
- 錫務日記
- 籲准寄居
- 肄習俄文
- 勞打電譯
- 議請驗客
- 黃堂案紀
- 拚命潑醋
- 漳州案牘
- 是真將軍
- 優捐善款
- 東亞同文會
- 理事交言
- 匪賣紙票
- 醫師之言
- 賽馬三誌
- 日本料民
- 星軛籌款
- 不中不西

### 觀說福建

日本今日之對清政策如何無他確立勢力範圍是也日本以明治三十一年四月二十一日就清政府得不割讓福建於他邦之約夫福建與我新領土臺灣僅隔一衣帶水地闊八萬方里人口二千餘萬人雖無膏田一日千里如楊子江各省市且有樟樹蒼蒼鬱鬱斧斤未入又有橄欖林閩江產米麥福建人民大半沿流而居以營生焉銀銅鐵鑛山亦不為少如茶即為省中輸物中，最上品聲價高于歐美市中至其海岸地雖屈曲紆迴如蟹鋸齒良港偏處皆是特如三都灣德國久經垂涎不能自措港內廣闊水深無風波之虞大灣中有數小灣水深概六尋至十二尋足以繫碇巨艦若為海軍根據之地勝此者稀矣支那政府慮他國之要求蚤開之以為通商之埠非偶然也若日本築軍港于此地備以強盛艦隊與臺灣澎湖相呼應而扼之蓋易易耳臺灣海峽一歸日本制海權之下我海軍位置於支那海及東海決非如今日之比也臺灣海峽得制海權臺灣始得完其防備也今日欲求可定我勢力範圍之地者福建省為最焉况清政府允我以不割讓之盟約乎 雖然勿以吾之所談為瓜分支那也余輩唯衷心一切欲保全支那疆域者也其意有三望固於國防一也欲利於商業二也欲深於善鄰三也是故祈其自立而己也然而支那瓜分大勢也其保全自立即理想也 理想哲學家語謂思想其理也此借用 已有所備於大勢而後向理想是維持極東均勢之急務也而確立勢力于福建省是又第一手段也已不能自立而能助人未之有也我日本帝國在極東不能與列國保均勢而欲幫助與國支那是殆不可望也退嬰論者曰清與我盟言不敢割讓福建省則福建省既非入我勢力範圍內乎我國決不更再要索也此言固然雖然余輩不敢以清國盟約遂安於心今日福建省果可稱確乎在我勢力範圍內乎雖知清政府不倖此不信之事列國若壓迫或不能保其不出於此也蓋不割讓盟約者只約不讓於他邦未允我國以其權利也余輩欲確立其勢力範圍因將要索二事於清政府 一布築鐵路權 二發掘礦山權 世人或有難布築鐵路者曰布築鐵道於福建省未嘗不可雖然彼等忘戰後經營乎不知財政窮乏乎且反顧內地鐵道狀態狹軌牛步猶且無以善之日本縱長幹路如山陽鐵道亦未全貫通彼不知臺灣鐵道敗失乎此種議論未嘗無理雖然事有緩急有大小有極要急者有不要急者如福建鐵道是急中急要中要日本不可一日忽之若今日而不能得其優權一旦為他國所先奈何處之不可不熟思也日本居于琉球以北不欲出而爭之則已苟欲存雄畧於極東宜速布築三線鐵路于福建省如欠乏資仰之於外國無不可也 布築鐵道其事宜先徵之於商業以定其地至如貨物聚散地形險夷列國布開諸鐵道聯絡最宜詳查之頃日據某市會所查有稍可採者載以備攷○第一 以福建福州為起點沿閩江而經延平邵武二府入江西省經南昌府達于九江是為本線○第二 自本線路延平府分支路北走經建寧蒲城入於浙江省沿錢塘江下至溫州○第三 支線由福州經泉州至於廈門其第一線與閩江陽湖兩灌溉地相連絡是當福建江西兩省本道者也第二線奔而至溫州與英國所布築之鐵道連絡經上海鎮江而通北京者也第三線東形勢日本決不可袖手傍觀也德國垂涎於三都灣已非一日彼豈以山東一角為足者哉欲張其勢力於南清故從今之後要索之術愈出愈奇北京政府將驚惶無措矣美國待孟尼拿之事稍緩欲染手於南清其情已著今而當斷不斷吾恐福建不割讓他人之誓約歸於空文而已

勞打電譯 ○英京四號來電云英海軍現下大操已竣觀此次操法則以各鐵甲艦為一隊作守護本國之軍其餘快艦為一隊作敵軍俄有數運糧船遙遙在大西洋而來忽而為敵艦橫截勢將劫奪鐵甲艦隊一聞號起立刻直前作





漳州案牘 ○漳州人許知母從壯歲南來商於巨港饒有餘資則陸續運回龍溪原籍求田問舍居然作富家翁矣凡該縣糧差視爲魚肉藉端苛索...

匪賣紙票 ○西樵附近一帶近被著匪傳贊開區新盤據出入魚肉善良勒索打單不堪其擾據訪事友來函言是處墟市復有匪類手持紅紙單東...

辟疫潔淨藥水招售 ○敬啟者現因核症流行凡各舖戶宜用辟疫潔淨藥水沾濕屋內以便保護居人不虞茲本藥房製便頂上辟疫潔淨藥水...

日本料民 ○天津國報云各國官紳商賈之流寓日本各口岸者刻經日廷詳加查察計萬二七人其中華人五千二百九十七名口英人一千...

理學文 ○欽加三品銜 賞戴花翎刑部正郎奏派駐紮小呂宋總理事府陳爲出示曉諭事照得本總理事奉總理各國事務衙門王大臣奏派...

星島籌款 ○申報云欽差查辦江南事件大臣剛子良中堂奉 命南下駐節省垣除通飭各屬州縣舉辦保甲團練積穀等事昭昭在人耳目外...